

# Powšitkowne WOZJEWJENJA

njedzeli, 6. nowembra 2016

## Zakónčenje Lěta smilnosće w Róžeńće

Serbska dekanatna młodžina přeprašuje młodostnych a wšitkich wěriwych na swjatočny nyšpor k zakónčenju Lěta smilnosće do Róžeńčanskeje swjatnicy na swjedženju Chrysta Krala, njedzeli, 20. nowembra, w 15.00 hodž. Nyšpor wuhotuje dekanatna młodžina a přeprašuje po tym wšitkich na zhromadnu swačinu. Štóž by k tomu tykanc napjekł, njech to prošu hač do wutory, 15. nowembra, w dekanatnym dušepastyrstwe we Worklecach přizjewi, telefonowe čisło (03 57 96) 9 55 95.

## „Cool kadla – fecich holca“

Dekanatne dušepastyrstwo přeprašuje wšitke dźěci, kotrež so na přenje swjate woprawjenje přihotuja, na zhromadny dzeń pod heslom „Cool kadla – fecich holca“ srjedu, 16. nowembra, wot 9 do 15 hodž. do Njebjelčic. Započatk je z Božej mšu w cyrkwi. Zajimcy njech so prošu hač do pónđzele, 7. nowembra, pod telefonowym čisлом (03 57 96) 8 87 07 we Worklecach přizjewja. Za wudawki dnja zběra so wot kóždeho wobdžělnika přinošk, kotryž wučinja štyri eura.

## Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 6. decembra, w 14 hodž. do Domu biskopa Bena w Smochćicach přeprašeni. Zajimcy njech so prošu hač do wutory, 29. nowembra, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli. Wšitcy njech sej Wosadnik sobu přinjesu. Tež zajimcy su wutrobnje witani.

## Pytaja kubłarku

Radworski Katolski serbski dźěćacy dom „Alojs Andricki“ pyta wot noweho lěta katolsku serbsku kubłarku. Štóž ma zajim, měł so na nawodnicu Moniku Bukowu, telefonowe čisło (03 59 35) 2 07 17, wobroćić. Wot njeje zhoni nadrobnosće.

## Poskitk džěloweho městna

Dom swjateho Jana w Smječkecach pyta za nócnu službu pak chorobnu sotru (Gesundheits- und Krankenpfleger) pak hladarja starych z přidatnym wukubłanjom za hladanje zbrašenych (HPZ) pak hladarja-kubłarja zbrašenych (Heilerziehungspfleger) abo z podobnym powołanjom a zwólniwošću, tule kwalifikaciju nachwatać. Džělowy čas je wot wječora 20 hodž. hač do ranja 6 hodž., a to dvě do tři nocy wob tydzeń. Městno ma so wot 1. januara wobsadzić. Swoje pisomne požadanje měli zajimcy hač do 30. nowembra na adresu Dom swjateho Jana, Janska kupjel 1, 01920 Worklecy, pósłać.